



A cussegls da scola, direcziuns da scola e persunas d'instrucziun (*texts cursivs* dirigian cun in *clac* sin ina pagina-web)

Info 2016/17
Nr. 4

Restructuraziun pagina-web USS: www.avs.gr.ch

La pagina-web dal Uffizi per la scola populara ed il sport (USS) vegn proximamain suttamessa ad in redesign. Las adattaziuns structuralas per quai èn gia realisadas. Tranter auter vegnan adattadas las funcziuns per tschertgar als basegns dals utilisaders.

Realisaziun plan d'instrucziun 21 GR: www.avs.gr.ch

La glista FAQ tar dumondas en connex cun il plan d'instrucziun 21GR vegn actualisada cuntinuadamain. La versiun la pli nova chattais [qua](#).

I chanta la Francofonia: www.slff.ch

En il rom da la „22. Semaine de la langue française et de la Francophonie" (16.–26. mars 2017) ha lieu l'occurrenza "I chanta la Francofonia". Finamira da l'occurrenza è da fascinar scolaras e scolars dal stglim secundar I e II per il franzos e la cultura franzosa entras la musica. Scolaras e scolars creeschjan ed arranschjan ina chanzun en franzos (documentaziun cun audio u video). Las meglras producziuns retschaivan in premi. Per la magistraglia vegn mess a disposiziun in access gratuit sin chanzuns da lingua franzosa cun in dossier pedagogic. Termin final d'annunzia è ils 24. favrer 2017. Ulteriurs detagls chattais [qua](#).

Congress moviment e sport 2017 : www.sportkongress.ch

La Federaziun svizra per sport organischa mintga dus onns il congress "moviment e sport". Quel sa drizza a persunas d'instrucziun interessadas sco er a teams da scola. Teams da scola san cumbinar sedutas internas sco era la furmaziun supplementara interna cun il congress da sport. Il congress porscha 80 workshops e moduls tgi san vegnì cumbinads independentamain. Las persunas d'instrucziun grischunas profiteschan d'in rabat da fr. 150.00. Ulteriuras indicaziuns tar il congress chattais en l'aggiunta 01 u [qua](#).

Furmaziun supplementara obligatorica sport : www.avs.gr.ch

Per tut las persunas d'instrucziun che instrueschan sport vala a partir da l'onn 2016 ina furmaziun supplementara obligatorica da silmain in mez di en il rom sport. Resguardads vegnan tranter auter curs da salvament en l'aua, curs regiunals en educaziun sportiva sco era curs da furmaziuns supplementaras da giuventetgna + sport (G+S). Ulteriuras infurmaziuns chattais [qua](#) u en l'aggiunta 02.



Occurrenza d'infurmaziun tar furmaziun supplementara intensiva: www.phsg.ch

Il 23 da favrer 2017 ha lieu a S. Murezzan ina occurrenza d'infurmaziun da la scola auta da pedagogia S. Giagl (SAPSG) tar la furmaziun supplementara intensiva. Ina annunzia per quella occurrenza è basegnaivla sur quella [pagina-web](#). Guarda era agiunta 03.

Admissiun stgalim secundar I - furmaziun professiunala: www.afb.gr.ch

L'Uffizi per la furmaziun professiunala ha infurmà il schaner 2017 cun ina circulara ils presidis dils cussegls da scola ed ils/las mainascolas sur da l'admissiun da la scola populara en la furmaziun professiunala. En questa circulara vegn renvià al fatg, che la frequentaziun da tut ils trais onns da scola dil stgalim superiur è da gronda impurtanza per chattar in bun e persistent access en in emprendissadi. Sche giuvenils na dumognan betg quel impurtant access, exista il privel, che sa mussan problems massivs. Guarda era la circulara en l'agiunta 04.

Mutaziuns en il inspecturat da scola

Per la fin da l'onn da scola 2016/17 van l'inspectura Doris Bottacin e l'inspectur Dante Peduzzi, manader districtual, suenter ina activitad da plirs onns en la bain meritada pensiun. Sin il 1. avust 2017 è vegnì elegì Arno Zanetti, scolast secundar e mainascola a Poschiavo, sco successur da Dante Peduzzi per il district V. Manuela della Cà, actualmain inspectura en il district II, vegn ad augmentar lur pensum e surpigliar supplementar la successiun da Doris Bottacin.

Per la stupenta e lunga collavuraziun engraziain nus a Doris Bottacin ed a Dante Peduzzi e nus giavischain ad els tut il bun, bler cletg e sanadad. Als novs elegids giavischain nus ina buna partenza en lur nova funcziun!

Cun amicabels salids

Andrea Caviezel, manader inspecturat da scola chantunal



Part regionala: District Plessur – Grischun central

Occurrenzas per cussegls da scola en il matg 2017

Presidis cussegls da scola (ed ulteriurs cussegls da scola interessads)	Tusaun, Masagn, Cazas, Tumleastga, Mantogna Sura, Farschno, Seglias, Scharàns, Tumleastga Dadens, Schons, Avras, Valragn, Alvra, CS Alvra Dafora, CS Alvra Dadens, CS Filisur-Bravuogn, Surses,	23.05.2017	19.00 – 21.00
	Cuira, Arosa, Maladers, Curvalda, Tschierscha-Prada, Panaduz, Razén, NTC, Scolina Montessori,	30.05.2017	19.00 – 21.00

Il presidis dils cussegls da scola retschaivan a temp l'invitaziun cun la glista da tractandas. Nus suppligain da reservar il termin!

Uraris onn da scola 2017/18

Il uraris per l'onn da scola 2017/18 (musters) vegnin nus a trametter tiers en fin la fin mars 2017 cun posta separada als mainascolas resp. als presidis dils cussegls da scola.

Valitaziun e promoziun da scola (V+PS) onn da scola 2017/18 / Termins

En l'aggiunta 5 chattais la preschentaziun usitada cun las scolas che vegnan evaluadas igl proxim onn da scola 2017/18. Nus suppligain da pender si quella infurmaziun en la stanza da magisters.

Introducziun en la professiun per personas d'instrucziun (IPPI) / Termin

Termin/Lieu: Mesemna, 16. avust 2017 da las 13.30 – 17.30 a Cuira, scola Giacometti

Nus suppligain ils/las mainascolas resp. il presidis dils cussegls da scola da communitgar quel termin a las personas d'instrucziun **nov** elegidas. Il pertutgads/las pertutgadas vegnan envidads persunalmain dil inspecturat suenter che nus avain retschavì las personalias.

Tusaun, favrer 2017

per il team, districtual

Pauli Dosch, manader